

涇獻詩存

涇獻詩存卷三目錄

邢琮二十六惜鶴雪中暮歸初秋過九畹先生書齋觀紫芝送人入

都赴銓過九畹先生觀米元暉山水卽賦寄季佩弟粵東

聞捷客夜初冬火井道中見梅花過王景略墓寄枕

銳圖月夜見新雁揚州買妾寄內秋柳登臨邛城樓

劍關姜伯約祠送李念曾茂才之皋蘭過孝陵呂仙

祠水頭三丈夫祠單司馬手錄王西樵詩鈔見寄行次

富平城下

邢玫三朝天關寄九兄思恩粵西

郭茂泰二和張嘯月雍試次韵

周道隆 二 題翼之妹丈永思圖 題介眉集咏

韓爾魯 一 和嘯月詞宗新柳用元韵

周道顯 一 題介眉集咏

張濂 十三 臂痛 嵇侍中祠 紫芝曲爲劉九畹作 浙川道中 題王

存一畫虎 近天樓歌贈李伯脩 岳忠武祠 自題小照

溫泉懷古 聞雁 漢口 首夏怡情園酒閒作 憶姑蘇

謝王錫 三 碧雲寺 游普救寺 趙城道中

王介 八 先七世祖端節公絕粒殉國追朔往事敬成古風一百韵 讀

先曾祖司寇文正公紀恩詩並行狀事實謹成七古一篇 水

車 望赤壁悵然有作 郭孝子祠 秋日游天寧寺 月夜

小園納涼 歸德道中微雨

王 遴 二 戊子築山吟 紀夢

張五典^{三十七}行經唐貞陵 寄家用儀兄 謁游梁祠 乞陸二柳畫水竹

屋基圖 夏日游寶峰寺憶玉章上人 除夕次韵家休菴

別十二弟叙彝 家書至得子並添姪四人口占 烈婦行

示女 示阿祿 與十七弟論文 感舊趙丈廷璧 宋呂文

穆公墓下作 張壺山中翰秋坪遠眺圖 答楊璞存刺史和

人謝畫 惜奴子關雉 與十九弟重絲論畫 得九弟皋蘭

書 別家潔亭參軍 李乞詩 周芝挺學山枉駕見過 送

黃勗亭通守之治峪即別 謁呂文簡公祠因示菊男 胡公

遜談及果園之勝聊述之 除日

張五誥 一 雲芝歌

張五菘 一 王籲尊以家乘見示謹賦韵語以誌梗概

徐法績 四十四 詠史 讀白香山浩歌行感而賦此 重九日登樓 訓子

偶作自箴 養病友人書來勸出山書此答之 村學十六韵

九月十日晨起登樓 偶成 暇日用鄉俗語湊成三十韵

連日讀陶詩擬作羣兒嬉二章

周友德 十 刺梅花十首

韓鳳翥 一 別親

張 芾 六十八 憶守南昌城材官哈恩僕鄭貴侍側中礮仆血濺全身感而有

作 次韻劉詹巖殿撰同年 由南昌旋里取道浙江至玉山

小住用東坡岐亭韻柬邑令張于庭同年兼示邑中官紳諸君

子 又疊前韻示及門諸生 讀書有感偶成 題夢柏圖

題顏魯公論坐帖後 雷西垣觀察暨令子穎生茂才各以詩

見貽次韻答之 題趙子昂書畫楚辭九歌 熊璧臣觀察督

餉江南以詩見貽次韻答之 次韻答妹婿王少鶴 答張于

庭邑侯次余爲人書扇韻見貽 疊前韻呈蕭素太守 苦雨

喜晴有作仍疊前韻柬于庭 次韻答張于庭同年 題香光

墨禪軒說橫卷 將之浙次韻答于庭 廣哀詩四十一首

劉世奇^{九十二}有懷圖爲賀角生題 題同里杜子仙畫 題王端節公故宅

魯橋春日雜興 出門 綠玉吟 郭公來 朱三婦 李義

士 醴泉姬 撫孤歌 煙市謠 南郭悲 哀社姐 亂後

邑城感題 寄許子中太史 寄郭固 題梅友十六吟約抄

題冶峪鎮壁 題魯橋酒市 重宿邑城感舊 村居 得家

信却寄示兒觀 懷張小浦侍郎 秋感八章 後秋感五章

游龍洞渠 尹淳母 狄梁公姨 桓少君 黔婁妻 哀王

孫 二五篇 春日示及門 憶友八章 題桐閣師兩朝詩

鈔三十首 兒觀至幽書此示之一剪梅

以上十八人三百一十五首

涇獻詩存卷三

邢琮

莫坤監生邢部郎中知池州府有淡希堂詩稿課杜紀要

二十六首

惜鶴

仙人畜騏驎珍之若鳳凰飼以竹上實飲以醴泉漿八風振玉羽九野隨翱翔
何來遽集此因羽難飛颺頗憶清谿客昨夢登我堂握手一長嘆將以訴衷腸
鄰鷄忽已叫起坐獨徬徨斯夢豈無因念之不能忘嗟嗟凌雲翼寥廊水雲鄉
自謂世無爭何期網四張顧我園中樹濃陰數畝強支離與擁腫高者亦棟梁
其中復穿鑿灑灑注方塘文麟大數寸鼓蠶勢飛揚有枝任爾栖有魚充爾糧
浴以清冷水俾爾羽毛長飛鳴待時奮扶搖何可量

雪中暮歸

歲暮多悲風荒村斷人迹鬱鬱積中腸跨驢有所適朝出維霰零暮歸六花白
昏黑雲更沉地凍蹇跼踖頗憶蔡州城夜中建奇策狹巷接短刃血染堅冰赤
丈夫當盛年何時事征役彎弓射天狼立名向砂磧恩重使身輕一任裹馬革
不爾調鷹犬逐兔此阡陌駿馬金絡頭皮冠足豹舄腰懸大羽箭射虎或成石
熱生鼻頭火風從耳後劇相隨皆健兒馳驅到日夕人生貴適意雕蟲終何益
初秋過九畹先生書齋觀紫芝

大火西流暑將却平明涼爽入焦穫功名得意是青衿半日相看厭淺落

時學按臨

三原家食那是無心人鍛羽摧翎嘆白鶴賴有知音存相見兩相樂臥雲著書書

及扇鴻寶囊中黃石編軒窗明敞列彝鼎屋房之樹鳴新蟬小酌簷前復燈前
此際渴鯨吞百川酒闌却話爲官事拂衣歸來先人志先人皓首只一經紫芝

偏踵安福瑞半畝園亭奇石橫忽似丹邱夜亦明天公開口流飛電赤雲紫霞
石上生一本收藏至今在對之却起蓬萊情蓬萊之鳥周圍五千里海水繚繞
連天起石上生芝石中出髓安期王喬其間住止服食逍遙黃髮覆耳有時跨
鶴或乘鸞賣藥往來咸陽市咸陽市中多逸人方法獨傳與皓綺終南一去深
復深探得靈芝紫復紫怪得君歸歸太速大患有身辭榮祿爲君重歌紫芝歌
夢醒黃梁熟未熟幾年著定六經稿太平制作誰探討君不見東山謝安臥不
牢詔書催上長安道

送人入都赴銓

十月欲來送君行西風北風愴離情丈夫不甘尺蠖屈太行冰雪一身輕我有
匣中劍一揮風雲生水中之蛟頭可斷深山之虎不敢鳴珠玉之裝珊瑚柄風

胡之劍同其名昔者曾落王孫手乞食佩向淮陰城至寶流傳有神護光芒夜
夜吾廬明感此別離脫相贈耕夫畜此不堪耕君也長才爲世出此物安能老
蓬華

過九畹先生觀米元暉山水卽賦

風吹老樹聲相纏益以秋淋千慮煎幽獨悵怨席門閉長者車轍過存偏要我
遲日跨驢出到來堂上生雲烟叢樹籠煙煙帶雨寂寂山坳一茅宇閉戶不聞
鷄犬聲蒼狗白雲任今古潑墨畫出子真家遯跡何必梁鴻廡半日相看拋不
得煙霞痼疾此胸臆功成身退復何人歸臥吾廬還相憶穀城黃石赤松師見
幾先生事應知不爾十載官欲調一旦却賦歸來辭自是學易有深識雲臥書
屋董生帷文章別開八家面刪定復存二南詩廣收琳琅垂不朽盛名藉藉在

人口強半鑽研故紙人九原不嗟徒覆瓿搜遺重見王新城今日作者誰其偶
僕也憂患之餘生白眼不與世重輕爲農谷口粗識字驅牛高歌耕我耕流徵
若道知音少請君還聽叩缶聲

寄季佩弟粵東

粵秦都共此春光一得音書意轉傷芳草又生今日夢柳條似促向時裝

季佩去年今日

別政無煩苛民還樸詩到和平學未荒記否匡門吊忠魄幾回吾夢繞桄榔念
遠還增物外情何時見汝五羊城欲求抱朴仙人訣便訪安期海島行四十頭
顛生白髮百年事業負青萍于今若問飛騰志雨足東臯正課耕

聞捷

蹂躪名王帳新傳瀚海天唐堯實勝算頗牧更行邊已自祇氛卻空看夜月圓

即今汗血馬應逐使臣旋

客夜

壯歲飛蓬客挑燈獨坐情寒鷄啼夜永斜月到窻明白壁懷何已黃金鍊不成
疎狂緣底事撫枕憶平生

初冬火井道中見梅花

山路行將夕山程引興長寒風忽起處撲鼻有餘香人轉深林外梅開一水傍
攀條亂暝色疑是隴頭霜

才是繁霜候梅花詎可開懷人一枝在驛使幾時來春信此間早孤鴻天際哀
無心相對處去去首重回

過王景畧墓

華岳凌雲起黃河向海奔誰知一抔土中有古英魂才大身難隱時危強自捫
皇天方厭晉王霸竟空論

寄枕銳圖

別來如昨日夏景一番新好夢頻勞我憐君是可人葯欄花刺眼梁燕語猶春
倍有分離感良時難共陳

垂翅憐黃鵠浮生羨白鷗卽今農事起將次野田收燕領頻看鏡星毛欲滿頭
席門車馬少剩得一處幽

月夜見新雁

皎月中天星斗微雁羣如字見初飛草枯塞北角弓勁秋老江南菰米肥萬里
啣蘆憐个个一行接羽共依依撩他寄遠情何限敲斷寒砧應淚揮

揚州買妾寄內

春到江南草又芳
鷓鴣啼斷九迴腸
漫嗟雙槳迎桃葉
終自齊眉憶孟光
玉臂休憑欄外月
星毛新換鬢邊霜
金錢若問歸來日
開到藤花返客裝

秋柳四首

何處逢秋思易傷
謝家欄檻更迴腸
臨風罷拂滕王蝶
委露猶垂宋玉牆
但是有情皆悵望
總能解語亦淒涼
曲江衙裏堪如許
遮莫鳴蟬咽夕陽

其二

金堤漫道擅風流
露欲爲霜款款愁
羌笛吹來方惜別
飛花望去忽逢秋
相思遙岸春江水
零落青帷舊日樓
料得短長亭外樹
含煙沫翠一時休

其三

潭淹東風拂面絲鳳州迢遞又時移詩傳結帶情何限日影交簾興自知衰草
寒蛩聞唧唧登山臨水記遲遲消魂最是張京兆尙欲拈毫認畫眉

其四

楚宮長捲舞時衣瘦損腰肢翠帶非莫問五官新賦就還看九陌野雲霏花迎
涼雨開三徑樹老秋風已十圍今日攀條思往事撩人情緒可能揮

登臨邛城樓

旅思苦不窮光陰匆匆度登樓望故鄉霜落此間樹

劍關姜伯約

姜侯遺廟此關頭應有精靈夜夜遊不見滿空飛落葉交鳴風雨四山秋

送李念曾茂才之臯蘭

生計勞人怨馬蹄金城此去莫心悽班生萬里封侯地尙在玉門關以西

過孝陵

枯樹寒煙噪晚鴉石頭城外日西斜記得去年秋七月行人爭說孝陵瓜

呂仙祠

世少唐生莫決疑英雄羽化更難期囊中尙有平蠻策假我封侯不寐時

水頭三丈夫祠

春風斜日下程遲蓬轉征途驗鬢絲幾度徜徉古祠畔憐他猶有婦人知

其二

劍俠熱腸我亦欽子虛烏有等情深頭顱把向樽前看指是人間最負心

單司馬手錄王西樵詩鈔見寄題